

Ego sum resurrectio et vita.

✠ Lécctio sancti Evangélii
secúndum Ioánnem

11, 21-27

In illo témpore:

- ²¹ **D**ixit Martha ad Iesum:
«Dómine, si fuísses hic,
frater meus non esset mórtuus!
- ²² Sed et nunc scio
quia, quæcúmque popósceris a Deo,
dabit tibi Deus».
- ²³ Dicit illi Iesus:
«Resúrget frater tuus».
- ²⁴ Dicit ei Martha:
«Scio quia resúrget in resurrectióne
in novíssimo die».
- ²⁵ Dixit ei Iesus:
«Ego sum resurréctio et vita.
Qui credit in me,
etsi mórtuus fúerit, vivet;
- ²⁶ et omnis, qui vivit et credit in me,
non moriétur in ætérnum.
Credis hoc?».
- ²⁷ Ait illi:
«Utique, Dómine;
ego crédidi quia tu es Christus Fílius Dei,
qui in mundum venísti».

Verbum Dómini.